

SAOPŠTENJE ZA JAVNOST – PROJEKAT

Sarajevo, 11.10.2013.

Publikacija PRAVA LGBT OSOBA U BiH: UNUTRAŠNJI POSLOVI

Fondacija Heinrich Böll – Ured za BiH, zajedno s partnerskim organizacijama, Fondacijom CURE i Sarajevskim otvorenim centrom implementira projekt „Coming out! Zagovaranje i zaštita prava LGBT osoba“ koji finansira Evropska unija. U sklopu projekta u periodu od aprila do jula 2013. godine sprovedeno je kvalitativno istraživanje u sektoru unutrašnjih poslova s ciljem utvrđivanja položaja LGBT osoba u pomenutom sektoru, kao i sticanja dubljeg uvida u stavove aktera/ki u pomenutoj oblasti.

Svi dobijeni rezultati istraživanja predstavljeni su kroz publikaciju [Prava LGBT osoba u BiH: Unutrašnji poslovi](#). Publikacija prezentira položaj LGBT osoba u sektoru unutrašnjih poslova, zakonsku regulativu, analizu dobijenih rezultata na osnovu razgovora s ispitanicima/ama ministarstava, MUP-a, Policijske akademije FBIH i RS-a, organizacija civilnog društva, kao i LGBT osoba. U publikaciji su navedena ograničenja istraživanja, kao i preporuke za otklanjanje utvrđenih nedostataka i problema.

Krucijalni problemi koji su otkriveni istraživanjem su jako mali broj prijavljenih slučajeva nasilja i napada na LGBT osobe zbog straha i izloženosti društvenoj stigmatizaciji, kao i nedovoljna senzibiliziranost policije prema LGBT osobama. Kroz obavljene intervjuje utvrđeno je da je nivo senzibilizacije u kontekstu prava i potreba veći na višim nivoima, kao i da društveno-političke implikacije *outovanja* nisu prepoznate od strane uposlenika/ca sektora unutrašnjih poslova. Na osnovu obavljenih intervjuja, istraživačice su zaključile da uposlenici/e iz sektora unutrašnjih poslova na pitanje vezano za pravo na javno okupljanje LGBT osoba smatraju da njegovo ostvarivanje predstavlja nepotrebno izlaganje riziku od napada za LGBT osobe i policiju.

Istraživači/ce su u publikaciji [Prava LGBT osoba u BiH: Unutrašnji poslovi](#) došli do zaključaka da je nužno uspostaviti kontakt osobu/e u policiji za vezu s LGBT zajednicom, osnažiti LGBT osobe da prijave napade, te izgraditi mehanizme psihosocijalne podrške žrtvama prije/nakon procesuiranja krivičnog djela. Takođe je potrebno raditi na edukaciji i senzibilizaciji zaposlenika/ca sektora unutrašnjih poslova o položaju i problemima LGBT osoba. U kontekstu ostvarenja pomenutih ciljeva 23. i 24.09.2013. održan je trening s policajcima/kama iz Kantona Sarajevo o krivičnim djelima počinjenim iz mržnje na osnovu seksualne orijentacije i rodnog identiteta.

Svi/e zainteresirani/e PDF verziju publikacije možete preuzeti na stranicama Fondacije Heinrich Böll <http://www.ba.boell.org/web/index-746.html> i Sarajevskog otvorenog centra <http://soc.ba/prava-lgbt-osoba-u-bosni-i-hercegovini-unutrasnji-poslovi/>, a štampanu verziju možete preuzeti u prostorijama Sarajevskog otvorenog centra i Fondacije CURE (Čobanija br.12) ili Fondacije Heinrich Böll (Čekaluša 42).

EU finansira projekat *Coming out! Zagovaranje i zaštita prava LGBT osoba* u iznosu od 206,619.90 EUR iz sredstava EIDHR 2012.

HEINRICH
BÖLL
STIFTUNG
BOSNA I
HERCEGOVINA



Ovaj projekat provodi
Fondacija Heinrich Böll,
Ured za Bosnu i
Hercegovinu

Čekaluša 42
71 000 Sarajevo, BiH
Tel: 033 260 450
Fax: 033 260 460

Ovaj projekat finansira
Evropska unija.

Delegacija Evropske unije u
Bosni i Hercegovini
Skenderija 3a
71 000 Sarajevo, BiH
Tel: 033 254 700
Fax: 033 666 037

Evropska komisija je izvršno tijelo EU.

„Evropska unija se sastoji od 28 država članica koje su odlučile postepeno povezivati svoja znanja, resurse i sudbine. Tokom 50 godina proširenja, zajedno su izgradile zonu stabilnosti, demokratije i održivog razvoja, istovremeno zadržavajući kulturne različitosti, toleranciju i lične slobode. Evropska unija je posvećena tomu da svoja dostignuća i vrijednosti dijeli sa zemljama i ljudima izvan vlastitih granica“.